


89 წელი თქვენთან ერთად!

89 წლის წინ, 1933 წლის 2 აპრილს გამოვიდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედის, გაზეთ „ჩხარის კოლმეურნის“ პირველი ნომერი.
გამოცემის საიუბილეო, 90-ე წელი!



„არს მთის კალთას, სკანდას, სასახლე მეფეთა და ციხე დიდი, დიდშენი“
პანაშუბი ბაბრათიონი

თერჯოლა

საზოგადოებრივი გაზეთი • გამოდის 1933 წლიდან • №10 {7063} 16 მაისი 2022 წელი • Facebook გაზეთი თერჯოლა


მინის საკუთრების სარეგისტრაციო ყველა მომსახურება საფასურის გარეშე...



საქართველოს ხელისუფლებამ უკანასკნელი წლების განმავლობაში არაერთგზის მიიღო გადაწყვეტილება, რომ მინის მესაკუთრეებს უფასოდ განეხორციელებინათ მათი საჯარო რეესტრში რეგისტრაცია.

2022 წლის 1 იანვრიდან საქართველოს იუსტიციის სამინისტროს საჯარო რეესტრის ეროვნულმა სააგენტომ მინის სისტემური რეგისტრაციის რეფორმის განხორციელება დაიწყო, რისთვისაც ტარდება მნიშვნელოვანი, როგორც ორგანიზაციულ-ტექნიკური, ისე საინფორმაციო ხასიათის ღონისძიებები.

საუკუნის პროექტი—საქართველოს მთავარი ავტომაგისტრალის რიკოთის მონაკვეთზე




რკინიგზა საჰაერო ტრანსპორტის გადაადგილების კომფორტულობისათვის...

ქართველმა რკინიგზელებმა მეტად კარგი და სასარგებლო საქმე გააკეთეს, რეაბილიტაციის შემდეგ გაიხსნა კოპიტნარის რკინიგზის სადგური, რომელიც საქართველოს პრემიერ-მინისტრმა ირაკლი ლარიბაშვილმა, იმერეთში სახელმწიფო რწმუნებულ ზვიად შალამბერიძესთან, ასევე აღმასრულებელი, საკანონმდებლო და ადგილობრივი ხელისუფლების წარმომადგენლებთან ერთად დაათვალიერა.



ამბები თერჯოლის მუნიციპალიტეტიდან მუნიციპალიტეტში ორი ახალი საბავშვო ბაღი შენდება!




აქტიურად მიმდინარეობს საბავშვო ბაღის მშენებლობა თერჯოლის მუნიციპალიტეტის, სოფელ ზედა საზანოში.

ამ დღეებში მუნიციპალიტეტის მერმა, ლაშა გოგიაშვილმა, მოადგილესთან, მანუჩარ რობაქიძესთან და საზანოს ადმინისტრაციულ ერთეულში მერის წარმომადგენელთან, გიორგი ჩუბინიძესთან ერთად სამშენებლო სამუშაოები ადგილზე დაათვალიერა და მშენებელი კომპანიის წარმომადგენლისგან დეტალური ინფორმაცია მიიღო.

ამჯერად მაჟორიტარად ანუ ადგილობრივი საკანონმდებლო და აღმასრულებელი ხელისუფლების თანამშრომლობის სიკეთეები...

ჩვენი დიდი მამულიშვილის საიუბილეოდ! დავით კლდიაშვილის სახელობის პრემიის ლაურეატები



დავით კლდიაშვილი-160

რკინიგზა საჭაერო ტრანსპორტის

1 გადაადგილების კომფორტულობისათვის...

მთავრობის მეთაურს სადგურის რეაბილიტაციის შესახებ ინფორმაცია საქართველოს რკინიგზის გენერალურმა დირექტორმა დავით ფერაძემ მიაწოდა და აღნიშნა, რომ რკინიგზის მაგისტრალური მიმართულებით მოძრავი მატარებლები კომპიუტერის განახლებულ სადგურში გაჩერდებიან. ახალი გაჩერება ქუთაისის აეროპორტის მგზავრებზე გათვლილი და მათ რკინიგზის განახლებული სადგურიდან ქუთაისის აეროპორტში მისასვლელად დაახლოებით 5 წუთი დასჭირდება.

პროექტის ფარგლებში რეაბილიტირდა სად-

გურის შენობა, როგორც ინტერიერი, ისე ექსტერიერი. მგზავრებს რკინიგზასა და ქუთაისის საერთაშორისო აეროპორტს შორის ე.წ. შატლები გადაიყვანენ. შენობა შუბ პირებისთვის ადაპტირებულია.

მოენყო მოსაცდელი სივრცეები, პარკინგი, საფეხმავლო ხიდი კი გაფართოვდა და რეაბილიტირდა. ხიდზე დამონტაჟებულია სამი ლიფტი, რომელიც ბაქნებსა და რკინიგზის სადგურის შენობას შორის შუბ პირთა დაუბრკოლებელ გადაადგილებას უზრუნველყოფს.

საუკუნის პროექტი ანუ საქართველოს მთავარი ავტომაგისტრალის რიკოთის მონაკვეთზე

რიკოთის ახალ ჩქაროსნულ მაგისტრალზე 88 ხიდი და 51 გვირაბი პარალელურად შენდება.

რიკოთის ახალი მაგისტრალის მშენებლობის დასრულების შემდეგ, გადაადგილების სიჩქარე, რომელიც ამჟამად 60 კმ / სთ-ია, გაიზრდება და რიგ მონაკვეთებზე თითქმის გაორმაგდება.

51 გვირაბიდან გაჭრილია 16 გვირაბი, სამშენებლო სამუშაოები სრულად უკვე 3 გვირაბსა და 6 ხიდზე დასრულებულია.

გზის მშენებლობაზე, ამჟამად დასაქმებულია 4000-ზე მეტი ადამიანი და დასაქმებულთა დაახლოებით 68% საქართველოს მოქალაქეა.

მაგისტრალის პირველ, 2 კმ-იან ორზოლიან, ხევი-უბისას მონაკვეთზე ავტოტრანსპორტის მოძრაობა 2021 წლის სექ-

ტემბერში გაიხსნა, ახლად გახსნილი გზის მონაკვეთი მოიცავს 6 ხიდსა და 3 გვირაბს.


რიკოთის უღელტეხილზე, საერთო ჯამში, 51.6 კმ-მდე სიგრძის გზა შენდება, რომელიც 97 ხიდსა და 51 გვირაბს მოიცავს, რიკოთის საუღელტეხილო მონაკვეთის მშენებლობა 4 სექციად არის დაყოფილი: ჩუმათელეთი-ხევის 11.6 კმ-იანი მონაკვეთი, ხევი-უბისას 12,2 კმ-იანი მონაკვეთი, უბისა-შორაპანის 13 კმ-იანი მონაკვეთი და შორაპანი-არგვეთას 14,7 კმ-იანი მონაკვეთი.

რიკოთის მოდერნიზება მნიშვნელოვანია ქვეყნის საგზაო ქსელის განვითარებისა და თანამედროვე სტანდარტებთან შესაბამისობაში მოყვანისთვის. ახალი გზა ითვალისწინებს სავაზო უსაფრთხოების ყველა თა-

ნამედროვე სტანდარტს. სამშენებლო სამუშაოები მიმდინარეობს ურთულეს გეოგრაფიულ მარშრუტზე და ურთულესი საინჟინრო კონსტრუქციებით.

რიკოთის საუღელტეხილო მონაკვეთის სამშენებლო სამუშაოები, რომელთა ჯამური ღირებულება 2.6 მილიარდ ლარამდეა, ეტაპობრივად 2024 წლამდე დასრულდება, გარკვეული მონაკვეთების ექსპლუატაციაში შესვლა უკვე 2022 წლის ბოლოს იგეგმება.

რიკოთის საუღელტეხილო მონაკვეთის სამშენებლო სამუშაოები, რომელთა ჯამური ღირებულება 2.6 მილიარდ ლარამდეა, ეტაპობრივად 2024 წლამდე დასრულდება, გარკვეული მონაკვეთების ექსპლუატაციაში შესვლა უკვე 2022 წლის ბოლოს იგეგმება.



მინის საკუთრების სარეგისტრაციო ყველა მომსახურება საფასურის გარეშე...

ამ რეფორმის დაწყების თაობაზე ინფორმაცია გამოქვეყნდა გაზეთ „თერჯოლას“ გასული თვის ნომერში.

რამდენიმე დღის წინ მინის სისტემური რეგისტრაციის რეფორმის საინფორმაციო კამპანიის ფარგლებში იმერეთში სახელმწიფო რწმუნებულმა ზვიად შალამბერიძემ და საჯარო რეესტრის ეროვნული სააგენტოს თავმჯდომარემ ოლეგ (ბაჩო) თორთლაძემ იმერეთის მუნიციპალიტეტის ხელმძღვანელებთან ერთად იმსჯელეს რეფორმის მიმდინარე საკითხებზე იმსჯელეს.

შეხვედრაზე საჯარო რეესტრის წარმომადგენლებმა ადგილობრივი თვითმმართველობის პირველ პირებს მინის სისტემური რეგისტრაციის შესახებ პრეზენტაცია წარმოდგინეს და რეფორმის მიმდინარე და დაგეგმილ აქტივობებზე დეტალური ინფორმაცია მიაწოდეს. მათი შეხვედრა კითხვა-პასუხის რეჟიმში წარიმართა. საუბარი

სოფლებისა და დაბების გამისამართების საკითხსაც შეეხო.

ქვეყნის 59 მუნიციპალიტეტში (ოკუპირებული ტერიტორიებისა და თვითმმართველი ქალაქების გარდა) ყველა სარეგისტრაციო მომსახურებას მესაკუთრეები ოფისში მისვლის გარეშე, უფასოდ მიიღებენ. 3 წლის განმავლობაში საჯარო რეესტრი სრულად აზომავს და დაარეგისტრირებს კერძო, სახელმწიფო და მუნიციპალიტეტის საკუთრებაში არსებულ მინის ნაკვეთებს და შექმნის მონაცემთა ერთიან ბაზას.

კონკრეტულ ადმინისტრაციულ ერთეულებში საკადასტრო აგეგმვითი / აზომვითი სამუშაოების დაწყების განრიგის გაცნობა შესაძლებელია შემდეგ ბმულზე: <https://bit.ly/3lgl2nV>

მოვუწოდებთ მინის მესაკუთრეებს—აქტიურად ჩაერთონ რეფორმის განხორციელებაში და ხელი შეუწყონ ამ პროცესის წარმართვას.

ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“, ტრადიციულად გთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

მუნიციპალიტეტში ორი ახალი საბავშვო ბაღი შენდება!

„ჩვენთვის ერთ-ერთი მთავარი პრიორიტეტი საგანმანათლებლო ინფრასტრუქტურის მოწესრიგებაა, ამ მიმართულებით სოფელ ზედა საზანოში 100-მდე აღსაზრდელზე გათვლილი საბავშვო ბაღის მშენებლობა მიმდინარეობს. ამ ეტაპისთვის უკვე მოეწყო სათამაშო, სასადილო, სამზარეულო და საძინებელი ოთახები, პარალელურად გრძელდება გარე ფასადის მოპირკეთება. აქვე უნდა აღინიშნოს, რომ მიმ-



დინარე წელს დაგეგმილ პროექტებს შორის, მნიშვნელოვანია ქალაქ თერჯოლის №3 ბაღის სამშენებლო-სარეაბილიტაციო სამუშაოები, პროექტი უახლოეს დღეებში დაიწყება და მიმდინარე წელს დასრულდება. პროექტის ფარგლებში 120 აღსაზრდელზე გათვლილი თანამედროვე სტანდარტების შესაბამისი საბავშვო ბაღი აშენდება, რომელიც ადაპტირებული იქნება შეზღუდული შესაძლებლობის მქონე პირთათვის. დამონტაჟდება ცენტრალური გათბობა და ბაღი აღიჭურვება თანამედროვე ინვენტარით, გარდა შიდა ინფრასტრუქტურისა, კეთილმოეწობა საბავშვო ბაღის ეზო—განაცხადა ლაშა გოგიაშვილმა.

ორივე საბავშვო ბაღი აღიჭურვება თანამედროვე ინვენტარით, დამონტაჟდება ცენტრალური გათბობა და ადაპტირებული იქნება შეზღუდული შესაძლებლობის მქონე პირთათვის.

ზედა საზანოს საბავშვო ბაღის სამშენებლო სამუშაოებს, რგფ-დან ადგილობრივი ბიუჯეტის თანადაფინანსებით, ტენდერში გამარჯვებული კომპანია შპს „მტმ“ ანხორციელებს, რომლის ღირებულება 944483 ლარია. აღნიშნული პროექტი გარდამავალია და 2022 წელს დასრულდება.

ქალაქ თერჯოლის №3 საბავშვო ბაღის მშენებლობას კი ტენდერში გამარჯვებული კომპანია ამხანაგობა „მაქსიმუმი“ განახორციელებს. აღნიშნული პროექტის ღირებულება 2 243 845 ლარია.

იმავე დღეებში, თერჯოლის მუნიციპალიტეტის მერმა, ადგილობრივი თვითმმართველობის წარმომადგენლებთან ერთად, ჩოლაბურის ხიდის მე-8 კმ-დან რუფოთი-ალისუბანი-თუზის საავტომობილო გზაზე მიმდინარე სამუშაოები დაათვალიერა. აღნიშნული გზა უმოკლესი მანძილით აკავშირებს სოფლებს ერთმანეთთან.

გაიხსნა სენსორული თერაპიის ოთახი...

თერჯოლაში განათლების განვითარებისა და დასაქმების ცენტრის (EDEC) ორგანიზებით, შეზღუდული შესაძლებლობის მქონე ბავშვთა დღის ცენტრში „საპოვნელა“ სენსორული თერაპიის ოთახი გაიხსნა.

ცენტრის ბაზაზე სენსორული თერაპიის დანერგვა, ბენეფიციარების ემოციური და მენტალური ჯანმრთელობის გაუმჯობესებას შეუწყობს ხელს, რაც თავის მხრივ, აამაღლებს დღის ცენტრის სარეაბილიტაციო მომსახურების ხარისხს.

სენსორული ოთახის საზეიმოდ გახსნას ასოციაციის წევრებთან ერთად, თერჯოლის მუნიციპალიტეტის საკრებულოს თავმჯდომარე, გიორგი ბარათაშვილი, მერის მოადგილეები მანუჩარ რობაქიძე და მირზა ქოჩიაშვილი, ასევე ადგილობრივი თვითმმართველობის სხვა წარმომადგენლები დაესწრნენ.

სენსორული ოთახი „ქალთა საერთაშორისო ასოციაცია საქართველოს“ ფინანსური მხარდაჭერით მოეწყო.

დღის ცენტრები ინდივიდუალურ, ფუნქციურ, აკადემიურ და სოციალურ უნარებზე მორგებულ მომსახურებას აწვდის 6-18 წლის ასაკის ათეულობით ბავშვს და მათ ოჯახებს.



ამბები თერჯოლის მუნიციპალიტეტიდან თერჯოლის მუნიციპალიტეტის საკრებულოში

მუნიციპალიტეტის საკრებულოს მორიგი სხდომა გაიმართა, რომელსაც წარმომადგენლობითი ორგანოს თავმჯდომარე, გიორგი ბარათაშვილი ხელმძღვანელობდა.

დეპუტატებმა დღის წესრიგით წარმომადგენელი 10 საკითხის შესახებ იმსჯელეს და მხარი დაუჭირეს მუნიციპალიტეტის 2022 წლის ბიუჯეტში შესატან ცვლილებებს, ასევე მოისმინეს ინფორმაცია მუნიციპალიტეტის 2022 წლის ბიუჯეტის პირველი კვარტლის შესრულების შესახებ.

დეპუტატებმა ცვლილება შეიტანეს მუნიციპალიტეტის საკრებულოს ჯანმრთელობის დაცვის და სოციალურ საკითხთა კომისიის პერსონალურ შემადგენლობასა და „თერჯოლის მუნიციპალიტეტის საკრებულოს წევრების (გარდა საკრებულოს თანამდებობის პირების) საქმიანობის განხორციელებასთან დაკავშირებული ხარჯების ანაზღაურების წესის შესახებ“ თერჯოლის მუნიციპალიტეტის საკრებულოს 2015 წლის 30 იანვრის №7 დადგენილებაში.

სხდომაზე მათ მხარი დაუჭირეს საკითხს თერჯოლის მუნიციპალიტეტის საკრებულოს ფრაქცია „ევროპული საქართველოს“ დაფუძნების შესახებ და დღის წესრიგით წარმომადგენელ სხვა საკითხებს.

სხდომას მუნიციპალიტეტის მერი ლაშა გოგიაშვილი მოადგილეებსა და შესაბამისი სამსახურების წარმომადგენლებთან ერთად ესწრებოდა.

დიდი გამარჯვების 77-ე წლისთავისათვის...

სრულიად საქართველოსთან ერთად, თერჯოლის მუნიციპალიტეტმა ტრადიციულად აღნიშნა ფაშიზმზე გამარჯვების მორიგი, 77-ე წლისთავი. 9 მაისს, თერჯოლის მუნიციპალიტეტის საკრებულოს თავმჯდომარე, გიორგი ბარათაშვილი, მერის მოადგილეებმა, მანუჩარ რობაქიძემ და მირზა ქოჩიაშვილმა, ასევე ქალაქ თერჯოლის მაჟორიტარმა დეპუტატმა ელისო მურადაშვილმა და საკრებულოს წევრებმა გვირგვინით შეამკეს დიდების მემორიალი და წუთიერი დუმილით პატივი მიაგეს მეორე, მსოფლიო ომში დაღუპული გმირების ხსოვნას.

იმავე დღეს ხელმძღვანელი პირები მუნიციპალიტეტში მცხოვრებ ვეტერანებს ოჯახებში ესტუმრნენ, ფაშიზმზე გამარჯვების დღე მიულოცეს, საჩუქრები გადასცეს და გმირობისათვის მაღლობა გადაუხადეს.

მეორე მსოფლიო ომში თერჯოლიდან 3 533 ადამიანი გაიწვიეს, 2325 დაიღუპა, ან უგზო-უკვლოდ დაიკარგა, ხოლო შინ დაბრუნებული 1 208 მეტროპოლიდან დღეს თერჯოლაში ორი ვეტერანი ცხოვრობს, დიმიტრი აბესაძე (ქ.თერჯოლა) და ნიკოლოზ გვენეტაძე (ზედა სიმონეთი) ორივე მათგანს მუნიციპალიტეტის მერის, ლაშა გოგიაშვილის ინიციატივით ადგილობრივი ბიუჯეტიდან ფულადი დახმარება გაეწიათ.

ზაზგასასმელია, რომ საქართველოს მთავრობის განკარგულებით, მეორე მსოფლიო ომის მონაწილეები ერთჯერადად 1000 ლარს, ხოლო მეორე მსოფლიო ომში დაღუპულთა ოჯახის წევრები - 500 ლარს მიიღებენ. 1945 წლის 8 მაისს, გერმანიის მიერ კაპიტულაციის გამოცხადების შემდეგ, მეორე მსოფლიო ომი დასრულდა. 9 მაისი კი ფაშიზმზე გამარჯვების დღედ გამოცხადდა. მეორე მსოფლიო ომში საქართველოდან 700 000 ადამიანზე მეტი წავიდა, აქედან ნახევარი უკან არ დაბრუნებულა.

დიდება ფაშიზმთან ბრძოლაში დაღუპულ გმირებს!

სამწუხაროდ, ფაშიზმთან მეტროპოლი ცოცხალი გმირების რაოდენობა ყოველწლიურად მცირდება, მაგრამ ჯერ კიდევ ჩვენს გვერდით არიან მეორე მსოფლიო ომგამოვლილი ვეტერანები, საუკუნის კბილა კაცები, ზედა სიმონეთელი ნიკოლოზ გვენეტაძე, რომელმაც საუკუნეს უკვე გადააბიჯა და თერჯოლელი დიმიტრი აბესაძე, რომელიც ახლახანს, 12 მაისს გახდა 98 წლის. სასიამოვნოა, რომ ისინი კვლავ მხნედ გრძნობენ თავს. კიდევ ერთხელ ვულოცავთ გამარჯვების დღეს. დაე, კიდევ დიდხანს იყვნენ ამქვეყნად. ჩვენი მამულის უკვდავებისა და გამარჯვებათა მემკვიდრე-მთხრობელებად,



ტემპიც, ხარისხიც...

მუნიციპალიტეტში კვლავ აქტიური მონიტორინგის ქვეშაა მიმდინარე ინფრასტრუქტურული პროექტების განხორციელება. ამ მიზნით, მუნიციპალიტეტის მერმა, ლაშა გოგიაშვილმა, ამჯერად, მოადგილესთან, მირზა ქოჩიაშვილთან და ღვანკითის ადმინისტრაციულ ერთეულში მერის წარმომადგენელთან, ტარიელ კუბლაშვილთან ერთად, ღვანკითი-ავტობანის დამაკავშირებელ გზაზე მიმდინარე სამუშაოები ადგილზე დაათვალიერა და მშენებელი კომპანიის წარმომადგენლებს პროექტის მიმ-

დინარეობის, ხარისხისა და ვადების დაცვის შესახებ ესაუბრა. ამჟამად ღვანკითი-ავტობანის დამაკავშირებელ გზაზე არმორებული ბეტონის საფარის მოწყობა მიმდინარეობს. პროექტის ფარგლებში ასევე მოეწყობა, სანიაღვრე არხები ცხაურები და ბოგირები. სამუშაოები მიმდინარე წელს დასრულდება. ღვანკითი-ავტობანის დამაკავშირებელი გზის სამშენებლო სამუშაოები რეგიონული განვითარების ფონდიდან და ადგილობრივი ბიუჯეტის თანადაფინანსებით ხორციელდება.

სოციალურად დაუცველთა სასიკეთოდ...

„სოციალურად დაუცველი ოჯახების სოციალურ-ეკონომიკური მდგომარეობის შეფასების წესის შესახებ“ საქართველოს შრომის, ჯანმრთელობისა და სოციალურად დაცვის მინისტრის ბრძანების ის მუხლები, რომლებიც შეეხებოდა შემწეობის მთხოვნელი ოჯახების შესაფასებლად შესასვები დეკლარაციების კითხვებს, ხშირად იცვლებოდა და ყველა შემთხვევაში ოჯახის სასარგებლოდ.

ამჯერად კი საქართველოს პრემიერ-მინისტრის ინიციატივამ და გადაწყვეტილებამ—სოციალურად დაუცველი ოჯახების დასაქმების შესახებ, ისე, რომ ისინი იღებდნენ როგორც დახმარებას, ისე ხელფასსაც, ინტერესი და კმაყოფილება გამოიწვია არა მარტო სოციალურად დაუცველ ადამიანებში, არამედ თითოეულ იმ პიროვნებაში, ვისთვისაც ღირებულია სხვათა ბედი.

ადამიანის დასაქმება, თუნდაც ერთის მნიშვნელოვანია, მაგრამ როცა სოციალურად დაუცველი საქმდება, კიდევ უფრო მნიშვნელოვანია. მითუმეტეს, როცა არ მოუხსნიან დახმარებას. სოციალურად დაუცველ ადამიანებს შეუძლიათ „უშიშრად“ ეძიონ სამუშაო, დასაქმებისათვის მიმართონ შესაბამის სამსახურს.

ერთი სოფლის მაგალითი


მარტო სიქთარვაში 6 სოციალურად დაუცველი ოჯახის წევრი დასაქმდა. 1 სოფლის ადმინისტრაციაში, 1 სიქთარვის, 1 ჩხარეინის სასაფლაოს მომვლელ-მეპატრონედ, 3 შიგა საუბნო გზების გარემო ხე-მცენარეთა გამკაფველად. ისინი და სხვებიც, რომლებიც დასაქმდებიან მიიღებენ ხელფასსაც და ოთხი წლის განმავლობაში შემწეობასაც, არ მოხდება ამ

ოჯახების გადამონმება სოციალური სააგენტოს მიერ. მერის წარმომადგენლის გიზო ხანიაშვილის თქმით დასაქმდება ყველა, ვისაც ამის სურვილი ექნება, დასაქმებულებს მალე ექნებათ სამუშაო ინვენტარი.

ეს არის შემთხვევა, როცა მთელი სოფელი კმაყოფილია. კმაყოფილია დასაქმებული და თითოეული ჩვენგანი. რამდენჯერ გვიცნებია სასაფლაოს მომვლელზე, ახლა ჩვენ, მოსახლეობასაც მეტი გვემართება, გვაქვს ვალდებულება—დავეხმაროთ მათ. სიქთარვაში პირველი სამუშაოები შესრულებულია, სამუშაოების მიმდინარეობაზე კონტროლიც ხორციელდება, რაც უნდა გავრძელებს.

ჩვენ გამოვხატავთ მაღლიერებას. სულხან საბა მაღლიერებას ასე განმარტავს: „რომელმან დაიხსოვნოს კეთილგანწყობა მის ზედა“. ჩვენ „დავიხსოვებთ“.

უშუშნა ცხადაძე



ნიკოლოზ გვენეტაძე



დიმიტრი აბესაძე

რომელთა ნათქვამი ასე გართობა ჩვენმა ჟურნალისტმა ნუგზარ გამყრელიძემ.

დიდება უფალს—მტრის ტყვია რომ არ გავაკარა, სულ რაღაც ორი-სამი ჭრილობა გვაკმარა მაგრამ გული იმაზე გვენდება, რომ პიტლერი დაგვრჩა გაულახავი,

აქეთ ვეძიეთ, თუ იქით, კაცი არ გამოჩნდა მისი დამნახავი. ბოლოს, როგორც იქნა თვალი დაგვკარი—მისმა კვილიმა რაიხსტაგი შეძრა.

თავქუდმოგლეჯილი რომელიღაც სამალავში შეძვრა... როგორც ამბობენ—იქ დალია სული უსახურად.

იყო და დარჩა ეშმაკის მსახურად! ჩვენ და ჩვენმა ძმადნაფიცებმა ძვირად დავეუჯინეთ—როგორია სხვისი მინა-წყლის ხელყოფა!

სოროში რომ შეძვრა თავისმოსაჭრელად ისიც ეყოფა. ახლა, ამ ყველაფრის გახსენება მაინც რთული არი, კედელზე ცარციტ ნარნერა დავეუტოვეთ, და კიდევ-ფაქსიმილი ორსართულიანი...

რა უნდოდა, რას გვერჩოდა, რას გვემართლებოდა, ხომ იცოდა, რაც დაემართებოდა!

ამჯერად მაჟორიტარად ანუ ადგილობრივი საკანონმდებლო და აღმასრულებელი ხელისუფლების თანამშრომლობის სიკეთეები...

ჯემალ ისაკაძე თერჯოლის მუნიციპალიტეტის საკრებულოს ორი მოწვევის დეპუტატია. 2014-17 წლებში ქართული ოცნების პარტიული სიით გასულმა დეპუტატმა დიდი გამოცდილება შეიძინა. 2021 წლის 2 ოქტომბრის ადგილობრივი თვითმმართველობის არჩევნებში კი „ქართულმა ოცნებამ“ ამჯერად იგი წარადგინა სიქთარვისა და ახალთერჯოლის მაჟორიტარ კანდიდატად.

იმედი გაამართდა, იგი სიქთარვა-ახალი თერჯოლის მაჟორიტარულ №49.06 საარჩევნო ოლქში საკრებულოს წევრად იქნა არჩეული. „ქართული ოცნების პარტიულ სიამი ჩემი შეყვანა, ამავე დროს ნდობა, მებრძოლა მაჟორიტარული დეპუტატობის მანდატისათვის, ჩემთვის დიდი პატივი იყო. გამარჯვებამ და ამომრჩეველთა ნდობის გამოცხადებამ კი მომცა ძალა, რათა ვავამართლო პარტიის და ამომრჩეველის იმედები“—თქვა ჯემალმა და კიდევ ერთხელ გამოხატა მადლიერება, რომ ახალი მოწვევის საკრებულოში საკრებულოს თავმჯდომარის მოადგილედ იქნა არჩეული.

ჯემალს ჰყავს მეუღლე და ორი შვილი 16 და 18 წლის. მშობლები და ოჯახი მისთვის ყველაფერია, არაფერი არ ანიჭებს ისეთ დიდ სიამოვნებას, როგორც სამუშაო და იმის სურვილი, რაც შეიძლება მეტი გააკეთოს ამომრჩეველების და მთლიანად ორივე სოფლის მოსახლეობისათვის.



ერთი შეკითხვა მაჟორიტარ დეპუტატს

ექვსი თვეა, რაც თქვენ მუნიციპალიტეტის საკრებულოში სოფელ სიქთარვისა და ახალთერჯოლის მაჟორიტარი დეპუტატის მანდატს ატარებთ. ეს დრო საკმარისია გკითხოთ—რა გააკეთეთ, რას აპირებთ მომავალში იმისათვის, რომ ამომრჩეველებმა თქვენ—არ შემცდარან თქვენს მხარდაჭერაში.

„ორივე სოფელში ბევრი ინფრასტრუქტურული პროექტი ხორციელდება. ბევრი კეთდება სოფლის მხარდაჭერის პროგრამის ფარგლებში. საქართველოს მთავრობა, შესაბამისად ადგილობრივი თვითმმართველობა, ბატონი ლაშა გოგიაშვილი, საკრებულოს თავმჯდომარე ბატონი გიორგი ბარათაშვილი ხალხის სამსახურშია. ისინი საკრებულოს დეპუტატების და სოფლებში მერის წარმომადგენლების გვერდით არიან ყველა საქმეში და უშუალოდ არიან ჩართულნი შესაბამისი პროექტების დროულად და ხარისხიანად განხორციელების პროცესში.“

წელს სიქთარვა-ჩხარინერში სოფლის მხარდაჭერის პროგრამით მოეწოდა გარე განათება 52 ლამპიონით, სანიღვრე არხები ცენტრალურ და საუბნო გზებზე, 30 მეტრი სიგრძის ბეტონის სანიღვრე ახალი ასფალტირებული გზის გასწვრივ, დაიხრეშება შიდა საუბნო გზები, დახმარება გაენევა ბაგაბალს და სხვა, ასე დაიხარჯება ჩხარინერში 16000, სიქთარვაში 20 000 ლარი.

სოფელ ახალთერჯოლაში სოფლის მხარდაჭერის პროგრამით 30 000 ლარია გამოყოფილი, რომლითაც სოფლის ცენტრში არსებული ფეხბურთის მოედანი დაიფარება, საბავშვო ბაგაბალში მოეწოდება ატრიატორები, რაც უმთავრესია ახალთერჯოლაში მრავალრიცხოვანი ბავშვისათვის. მშენებლობას ახორციელებს ტენდერში გამარჯვებული კომპანია შპს „ჯი-ი-ეს“-ი. ყველაფერი კეთდება იმისათვის, რომ პროექტი წელსვე დასრულდეს. საამისოდ მუნიციპალიტეტის მერის ბატონი ლაშა გოგიაშვილის და საქართველოს პარლამენტში ტყიბული-თერჯოლა-ზესტაფონი-ბაღდათის მაჟორიტარი დეპუტატის ბატონი ბეჟან ნაქაძის ძალისხმევა ახალთერჯოლისაკენ არის მიმართული. არაფერს ვიტყვი წინა წელს სოფლებში განხორციელებულ პროექტებზე. მოსახლეობა ხედავს გაკეთებულ საქმეებს. მედიკამენტები, სურსათი, თანადაფინანსება, სახლების ასენება უსახლკარო სოციალურად ხელმოკლე ოჯახებისათვის ჩვეულებრივი ამბავია. მადლიერება სოფელ სიქთარვისა და ახალთერჯოლის, მთლიანად მუნიციპალიტეტის მოსახლეობამ არჩევნების გზითაც გამოხატა, ყველაფერში იგრძნობა ხალხის მხარდაჭერა“.

ლი, რომლითაც სოფლის ცენტრში არსებული ფეხბურთის მოედანი ბალახის საფარით დაიფარება, საბავშვო ბაგაბალში მოეწყობა ატრიატორები. რაც უმთავრესია—ახლება ახალთერჯოლაში მრავალწლიანი ოცნება—განხორციელდება ინფრასტრუქტურული პროექტი—სოფლის 630 ოჯახი მომარაგდება სასმელი წყლით, პროექტის ღირებულება 2 138 227 ლარია. მშენებლობას ახორციელებს ტენდერში გამარჯვებული კომპანია შპს „ჯი-ი-ეს“-ი. ყველაფერი კეთდება იმისათვის, რომ პროექტი წელსვე დასრულდეს. საამისოდ მუნიციპალიტეტის მერის ბატონი ლაშა გოგიაშვილის და საქართველოს პარლამენტში ტყიბული-თერჯოლა-ზესტაფონი-ბაღდათის მაჟორიტარი დეპუტატის ბატონი ბეჟან ნაქაძის ძალისხმევა ახალთერჯოლისაკენ არის მიმართული. არაფერს ვიტყვი წინა წელს სოფლებში განხორციელებულ პროექტებზე. მოსახლეობა ხედავს გაკეთებულ საქმეებს. მედიკამენტები, სურსათი, თანადაფინანსება, სახლების ასენება უსახლკარო სოციალურად ხელმოკლე ოჯახებისათვის ჩვეულებრივი ამბავია. მადლიერება სოფელ სიქთარვისა და ახალთერჯოლის, მთლიანად მუნიციპალიტეტის მოსახლეობამ არჩევნების გზითაც გამოხატა, ყველაფერში იგრძნობა ხალხის მხარდაჭერა“.

განწყობა არჩევნების შემდეგ...

„მე ვაკვირდები ხალხის განწყობას, იგრძნობა კმაყოფილება გაკეთებული საქმეების გამო, მაგრამ ადამიანები ვართ, მეტი გვჭირდება, თუმცა ამომრჩეველები აცნობიერებენ იმასაც, რომ ყველაფერი ერთად ვერ გაკეთდება, ის ფაქტი, რომ პარტია ქართული ოცნება ათი წელია ხელისუფლებაშია, ხალხის მხარდაჭერის შედეგია. ვფიქრობთ რამდენიმე პროექტზე. ახალთერჯოლაში მოსახლეობას წყლით უზრუნველყოფის მერე ცენტრალური და საუბნო გზების კეთილმოწყობაზე, სიქთარვაში ჩიხლაძეებისა და აბუხანდაძეების, სირბილაძეებისა და ჩაფიძეების უბნების ერთმანეთთან დამაკავშირებელი გზის კეთილმოწყობაზე, სოციალური დახმარებით უკეთ უზრუნველყოფაზე. სურვილი მაქვს, რაც შეიძლება ნაკლები ითხოვდეს სოციალურ დახმარებას, სურსათით, მედიკამენტებით უზრუნველყოფას, აღარ დასჭირდეთ სამკურნალოდ თანადაფინანსება, მაგრამ ვიდრე დასჭირდებით, კვლავ დავეხმარებით, დავაკმაყოფილებთ მათ საჭიროებებს, რადგან ჩვენ მხარს გვიჭერს ბატონი ლაშა გოგიაშვილი, ტყიბული-თერჯოლა-ზესტაფონი-ბაღდათის მაჟორიტარი დეპუტატი საქართველოს პარლამენტში, ბატონი ბეჟან ნაქაძე, საკრებულოს თავმჯდომარე გია ბარათაშვილი, მადლობა მათ“.

იმ ამომრჩეველებზე, რომლებმაც ხმა არ მოგცათ. ჯემალმა თქვა: ღმერთმა არ ჰქნას მთელ ქვეყანას და მათ შორის თერჯოლის მოსახლეობას ერთი აზრი ჰქონდეს, არჩევნების ხიბლი აზრთა სხვადასხვაობაშია. იმ ამომრჩეველებს, რომლებმაც ხმა არ მოცა, ვპირდები, რომ ვიქნები მათი ხმა საკრებულოში, კანონის ფარგლებში ყველას დავეხმარები, ისედაც, სიკეთეებით, რაც კეთდება, განა ყველა არ სარგებლობს?

როგორ იღებენ გადაწყვეტილებას

ორი სოფლის მაჟორიტარი დეპუტატი ჯემალ ისაკაძე, ქართული ოცნების სიით გასული დეპუტატი ბიძინა ბუცხრიკიძე, მუნიციპალიტეტის მერის წარმომადგენელი ახალთერჯოლაში გიგა კუბლაშვილი გადაწყვეტილებებს ერთად იღებენ, მსჯელობენ სამომავლო გეგმებზე, ერთად აგვარებენ საერთო საქმეს. მერის წარმომადგენელი სოფელ სიქთარვაში გიზო

ჩემში ნაგავი მაინც ყრია. სოფლის წარმომადგენლობა ხშირად აწყობს დასუფთავების აქციას, მაგრამ მოსახლეობას მეტი მოეთხოვება; რატომ ვხარჯათ წყალს არამიზნობრივად, ზაფხული მოდის, სიქთარვაში 1000 ჰექტრამდე სასოფლო-სამეურნეო მიწაა, გარკვეული ნაწილი სახლებთან ახლოსაა, მათ მორწყვას კი ორი ძერული არ ეყოფა.

ზემდგომი და ადგილობრივი ხელისუფლების მუდმივი თანადგომა გააუმჯობესებს სოფლების სოციალურ-ეკონომიკურ მდგომარეობას, განხორციელდება მრავალი პროექტი, სიქთარვის ცენტრალური გზა ასფალტით შეუერთდება ჩხარინერის გზას, ახალთერჯოლაში მონესრიგდება ცენტრალური და საუბნო გზები, დახმარება გაენევა მოსახლეობის ფართო ფენას. კვლავ აშენდება სახლები, გაძლიერდება ზრუნვა მოქალაქეთა დასასაქ-



„წმინდა გიორგის ნათელი ზედ მოსდგომია გორასა...“



რა კარგად უთქვამს სულგანათლებულს ჩვენს წინაპარს—დიას, დარია თუ ავდარია, მზიანი თუ ღრუბლიანი, ნიაფ-ქარი ქრის თუ სიმშვიდეა გოგნის ულამაზეს გორადან, სადაც უფლის ნებით უსპეტაკეს და უწმინდეს მიწაზე წმინდა გიორგის სალოცავი დავანებულა უხვად იფრქვევა წმიდანადან გადმოსული ნათელი, მადლი და წყალობა...

დიდება უფალს და წმინდა გიორგის ამ ნათელისათვის, მადლისათვის, წყალობისათვის, გაძლიერებისა და რაც მთავარია, უამრავი იმედისათვის, რასაც ყოველ 6 მაისს, გიორგობას და წელიწადის სხვა დღეებშიც, უამრავ ადამიანს უჩენს სურვილს მოლოცვისა და თაყვანისცემისას.

ასეა წელსაც. ალიონიდან დაიწყო მომლოცველთა მიმოსვლა, თუმცა მორწმუნეთა ერთი ნაწილი ჯერ კიდევ წინა საღამოს ეახლა დიდმონაშენ წმინდანის სალოცავს და ღამისთევით აღნიშნა ეს დიდი ქრისტიანული დღესასწაული... ქრისტიანულ სამყაროში არ მოიძებნება წმინდანი, მონაშენი თუ ეკლესიის გამორჩენილი მოღვაწე, რომელიც თავისი პოპულარობით წმინდა გიორგის შეედრებოდეს... თეთრ ცხენზე ამხედრებული წმინდა გიორგი, სიმართლისა და გამარჯვების სიმბოლოა, ადამიანთა ნუგეში, ავადმყოფთა მკურნალი და ყველა სანუკვარი ოცნების აღმსრულებელი, ამიტომ არის მოფენილი

საქართველოს ყველა კუთხე წმინდა გიორგის სახელზე აშენებული რამდენიმე ასეული ეკლესიით და ტაძრით, სადაც მას პატივს მიაგებენ.

თუმცა გიორგობა „გოგნის კარუგდებელზე“ ერთ-ერთი განსაკუთრებულია. საიდან არ მოდიან აქ მორწმუნე-მომლოცველები სანთლებით, მამლებით, ცხვრებით და ა.შ. შეძლებისდაგვარად, შესანიშნავებით... ფეხით მიუყვებიან არც ისე პატარა მანძილს, რიგ შემთხვევაში ფეხშიშველიც კი... მოდიან მოხუცები, ქალები და მამაკაცები, დიდები თუ პატარები, ჯანსაღნი თუ სნეულები...

დიას, მოდიან ლოცვით, პირჯვრის წერით, იღუმალი ფიქრებით და თხოვნით უფლისადმი... წმინდა გიორგი ხომ სასწაულმოქმედი, მან უნდა მოახდინოს სასწაულები რწმენაში და მიუტევოს ცოდვები.

თითოეულის ოჯახისა თუ ქვეყნის ჭირ-ვარამის, სატკივარ-სადარდებელის მოგვარება-განკურნებაში წმინდა გიორგი უსათუოდ შეენევა მათ. ასე ფიქრობენ, ასეც სწამთ, ასე სჯერათ.

მთელი დღე არ წყდება მომლოცველთა ნაკადი, პატარა სალოცავი და მისი შემოგარენი ვერ იტევს მათ სიმრავლეს... ისინიც საათობით, მოთმინებით ელიან თავიანთ რიგს, როგორც მიუახლოვდნენ, შემოუარონ სალოცავს, ემთხვიონ და სანთლები დაუწონონ, იმედსა და ნუგეშს. ასე გრძელდება გვიან ღამემდე.

წელს იმაზე მეტი მომლოცველი იყო წმინდა გიორგის სალოცავზე, ვიდრე ოდესმე. დიას, სულ უფრო და უფრო მასშტაბური და პოპულარული ხდება გიორგობა გოგნში. აქვე მორწმუნენი დიდი სულიერი ამაღლებით და უფლისადმი მადლიერების გრძნობით ანთებენ სანთლებს და ათვალეერებენ ახალ ტაძარს, რომლის მშენებლობას 2011 წლის 6 მაისს, გიორგობას ჩაეყარა საფუძველი...

გრანდიოზული შენობა... ულამაზესი არქიტექტურა... უამრავი უნიკალური ჩუქურთმა...

ყველა კუთხიდან მოსჩანს მთელი ღამით განათებული მისი ულამაზესი სილუეტი...

უფლის ნებით ალბათ მალე შიდა სამუშაოებიც დასრულდება, ტაძარი საბოლოო სახეს მიიღებს და წმინდა გიორგის სახელზე აგებულ კიდევ ერთ ტაძარში მისი მადლი და ნათელი დაივანებს, წირვა-ლოცვა აღევლინება და ყველაფერი წესითა და რიგით წარიმართება... ამის დიდი სურვილი და იმედი აქვს თითოეულ მომლოცველ-დამთვალეირებელს... ყოველივე ეს ხომ ჩვენი, თითოეული თერჯოლის სიამაყეა.

გილოცავთ, ძვირფასო მეგობრებო, მომლოცველნო, ძვირფასო თერჯოლელებო.

მრავალ გიორგობას დაესწარით თქვენ და სრულიად საქართველო!

გზია ცქიფურიშვილი



შპს „თარჯოლა“
 გამომცემელი: ვალერიან გოგიაშვილი 599 92 49 75
 მთავარი რედაქტორი: დავით კლდიაშვილი 599 91 24 14
 სარედაქციო კოლეჯია
 რეგისტრაციის №53/5/გ-22 გამოდის თვეში ორჯერ

კორესპონდენტები:
 ნ. გამყრელიძე—555 78 08 55
 ი. მარუაშვილი—0(491) 22 15 16
 შ. ცხადაძე—558 90 82 55
 მ. ცქიფურიშვილი—555 28 11 41
 ელ-ფოსტა: gazetiterjola@mail.ru

აიწყო და დაკაბადონდა რედაქციის კომპიუტერულ ცენტრში
მისამართი:
 ქ. თერჯოლა, კოსტავას ქუჩა №2
 დაიბეჭდა ქუთაისის შპს „სომელი ინ“-ის სტამბაში ქუთაისი, ჭავჭავაძის გამზ. №33

ჩვენი რეკვიზიტები:
 „ლიბერთი ბანკი“
 LBRTGE22,
 ანგარიში
 GE32LB0113133960124000
 ს/კ 231948872